

ქ. თბილისი

14 მაისი 2018 წელი.

1. ხელშეკრულების მხარეები

ერთის მხრივ, შპს „თბილსერვის ჯგუფი“ (შემდგომში „შემსყიდველი“) წარმოდგენილი მისი დირექტორის ლევან ჯღარკავას სახით, მის. თბილისი კახეთის გზატკეცილი N67 და მეორეს მხრივ შპს „ორიენტ ლოჯიკ“ (შემდგომში „მიმწოდებელი“), წარმოდგენილი მისი კომერციული დირექტორის ალან სანაკოვეის სახით, მის. თბილისი, აღმაშენებლის გამზირი N91ა.

2. ხელშეკრულების საგანი

2.1 შემსყიდველის მიერ ჩატარებულ ელექტრონულ ტენდერში (ტენდერის NAT 180006286) გაიმარჯვა მიმწოდებლის სატენდერო წინადადება, რომლის თანახმად, მიმწოდებელმა აიღო ვალდებულება მიაწოდოს შემსყიდველს 1(ერთი) ერთეული უწყვეტი ელ. მომარაგების წყარო (UPS) (CPV კოდები: 30200000; 30237280);

2.2 მისაწოდებელი საქონლის ძირითადი მახასიათებლები მითითებულია დანართი N1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2 შესასყიდი საქონლის ღირებულება (შემდგომში „ხელშეკრულების ღირებულება“) შეადგენს 7717,00 (შვიდი ათას შვიდას ჩვიდმეტი) ლარს დღს ჩათვლით.

4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ მისაწოდებელი საქონელი შეესაბამება ყველა მოქმედ თანამედროვე ტექნიკურ სტანდარტებს, ნორმებს და წარმოდგენილ ნიმუშს, ხოლო რაოდენობა წინამდებარე ხელშეკრულების პირობებს.

4.2 მიმწოდებელი აცხადებს, რომ შესასყიდი საქონელი არის უფლებრივად და ნივთობრივად უნაკლო და იღებს პასუხისმგებლობას მისი წარმოშობის კანონიერებაზე.

5. შესასყიდი ობიექტის მიწოდების ფორმა, ვადები და ადგილი

5.1. შესასყიდი ობიექტის მიწოდება ხორციელდება ხელშეკრულების გაფორმებიდან არაუგვიანეს 2018 წლის 23 ივნისის ჩათვლით;

5.2. მიწოდების ადგილი - ქ. თბილისი, კახეთის გზატკეცილის N67;

5.3 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით და ტექნიკური საშუალებებით.

6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს ნაკლოვანი ან უხარისხო საქონლის შეცვლას.

6.3 საქონლის მიღება-ჩაბარებაზე უფლებამოსილი პირები არიან შპს „თბილსერვის ჯგუფი“-ს ლოჯისტიკის სამსახურის შესაბამისი საწყობის თანამშრომლები, რომლებიც მიღებას ახორციელებენ ინსპექტირების განმახორციელებელი პირების თანდასწრებით.

6.4 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

- 7.1. შესასყიდი ობიექტის ღირებულება დაიფარება არა უგვიანეს 10 (ათი) სამუშაო დღისა მიღება-ჩაბარების (შესრულების) აქტის გაფორმების დღიდან, გარდა წინამდებარე ხელშეკრულების 7.2 პუნქტის შემთხვევისა
- 7.2 თუ „მიმწოდებელს“ ნაკისრი ვალდებულებების არაჯეროვნად შესრულების გამო დაეკისრება პირგასამტეხლო, ანგარიშსწორება განხორციელდება „შემსყიდველისათვის“ პირგასამტეხლოს თანხის ჩარიცხვიდან 10 (ათი) დღის განმავლობაში
- 7.3. ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

8. მხარეთა უფლება-მოვალეობანი

8.1. „შემსყიდველი“ ვალდებულია:

8.1.1. ხელშეკრულებით გათვალისწინებული საქონლის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2. ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ საქონლის ღირებულება;

8.2. „შემსყიდველს“ უფლება აქვს:

8.2.1. შეამოწმოს მიწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2. მოითხოვოს იმ ზიანის ანაზღაურება, რაც გამოწვეულია „მიმწოდებლის“ მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3. მოითხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4. მოითხოვოს მიმწოდებელს ნაკლოვანი ან უხარისხო საქონლის შეცვლა ან ნაკლის აღმოფხვრა.

8.3. „მიმწოდებელი“ ვალდებულია:

8.3.1. დაიცვას ხელშეკრულებით გათვალისწინებული ყველა პირობა;

8.3.2. მიაწოდოს შემსყიდველს ამ ხელშეკრულების 2.1 მუხლში აღნიშნული საქონელი და მასთან დაკავშირებული დოკუმენტები საკუთრებაში.

8.3.3. ხელშეკრულებით გათვალისწინებული საქონლის მიწოდებისას საქმის კურსში ჩააყენოს „შემსყიდველი“ ყველა განსაკუთრებული გარემოების შესახებ;

8.3.4. აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.3.5. საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი ან აღმოფხვრას არსებული ნაკლი.

8.4. „მიმწოდებელს“ უფლება აქვს:

8.4.1. მოითხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

8.4.2. მოითხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

10. ხელშეკრულების პირობების შეუსრულებლობა

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო ხელშეკრულების ღირებულების 0.02% ოდენობით;

9.2 იმ შემთხვევაში, თუ ხელშეკრულებით ნაკისრი ვალდებულებების შესრულებისათვის დაგვიანებული დღეების რაოდენობა გადააჭარბებს 30 კალენდარულ დღეს შემსყიდველს უფლება აქვს ცალმხრივად შეწყვიტოს ხელშეკრულება;

9.3 ხელშეკრულებით ნაკისრი ვალდებულებების არასრულად ან არაჯეროვნად შესრულებისთვის მიმწოდებელი ჯარიმდება ხელშეკრულების ჯამური ღირებულების 5% –ის ოდენობით

9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

10. ხელშეკრულების ინსპექტირების პირობები

10.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

10.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

10.4 საქონლის ზილებზე ინსპექტირებას განახორციელებენ დირექტორის მოადგილე ტექნიკურ დარგში ან/და მის მიერ გამოყოფილი შპს „თბილსერვის ჯგუფი“-ს ინსპექტირების ჯგუფი.

11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 მიმწოდებლის მიერ საქონლის მიწოდების დადგენილი მიწოდების ვადების დარღვევისას;

11.4.4 მხარეთა შეთანხმებით.

11.4.5 საქართველოს კანონმდებლობით გათვალისწინებულ სხვა შემთხვევებში.

12. სუბკონტრაქტორები

12.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

12.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

12.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ხელშეკრულების პირობების გადასინჯვა

13.1. მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

13.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია.

13.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების განხორციელების წესის შესახებ დებულებით“ გათვალისწინებული შემთხვევებისა.

13.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. ფორსმაჟორი

14.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. ხელშეკრულების მოქმედების ვადა

15.1 ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2018 წლის 30 ივლისის ჩათვლით;

16. დავები და მათი გადაწყვეტის წესი

16.1 წამოჭრილი დავები ან აზრთასხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

16.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

17. საგარანტიო ვადა

17.1 შემსყიდველის მიერ შეძენილი საქონლის საგარანტიო ვადა შეადგენს 2 (ორი) წელს საქონელზე მიღება-ჩაბარების აქტის გაფორმებიდან.

17.2 საგარანტიო პერიოდში საქონლის ექსპლუატაციისას, გარე ზემოქმედების გარეშე გამოვლენილი ქარხნული დეფექტის ან/და წუნის შემთხვევაში, მიმწოდებელი ვალდებულია შემსყიდველის შეტყობინების მიღებიდან 15 კალენდარული დღის ვადაში განახორციელოს წუნდებული საქონლის შეცვლა ან შეკეთება, შემსყიდველის მხრიდან რაიმე დამატებითი დანახარჯის გარეშე.

17.3 მიმწოდებელი თავისუფლდება ზემოხსენებული მოვალეობის შესრულებისაგან, თუ დადგინდა, რომ დაზიანება შემსყიდველის პერსონალის ბრალითაა გამოწვეული

18. სხვა პირობები

- 18.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;
- 18.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 18.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 18.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას.
- 18.5 წინამდებარე ხელშეკრულება არ შეიცავს არანაირ სიტყვიერ დამატებას.
- 18.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად.
- 18.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 18.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 18.9 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე. 1 ეგზემპლარი ინახება შემსყიდველთან, 1 ეგზემპლარი გადაეცემა მიმწოდებელს.
- 18.10 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

19. მხარეთა ხელმოწერები და რეკვიზიტები:

„შემსყიდველი“
შპს „თბილსერვის ჯგუფი“
დირექტორი
ლევან ჯღარკავა



საბანკო რეკვიზიტები:

შპს „თბილსერვის ჯგუფი“
მის: ქ. თბილისი, კახეთის გზატკეცილის N67
ს/ნ 206267494
სს „ლიბერთი ბანკი“
ცენტრალური ფილიალი
კოდი: LBRTGE22
ანგ. N: GE90LB0113172770216000

„მიმწოდებელი“
შპს „ორიენტ ლოჯიკ“
კომერციული დირექტორი
ალან სანავოევი



შპს „ორიენტ ლოჯიკ“
მის: ქ. თბილისი, აღმაშენებლის გამზირი N91ა
ტელ: 254 18 18, 571 364 004.
ს/ნ 202052054
სს „ბაზის ბანკი“
კოდი: CBASGE22
ანგ. N: GE96BS0000000005936872

სახელმწიფო შესყიდვების შესახებ ხელშეკრულების N30-183
დანართი N1

საქონლის დასახელება	საქონლის ტექნიკური მახასიათებლები	წარმოშობის ქვეყანა	მწარმოებელი კომპანია და მოდელი	რაოდენ ობა	ერთ. ფასი	საერთო ღირ-ბა
უწყვეტი კვების წყაროს კომპლექტი, დამატებით ელემენტების ბლოკის ჩათვლით	ფორმ ფაქტორი - სასერვერო კარადაში ჩასაყენებელი სტრუქტურული ტიპი - არამოდულური უწყვეტი კვების წყაროს თავსდება სასერვერო კარადაში, ზომით 6U (Unit) გარე დამატებითი ბაარების კარადების მხარდაჭერა - კი შემავალი ძაბვის პარამეტრები სიმძლავრე - 5 კილოვატი შემავალი ძაბვის დიაპაზონი (ინტერვალი) - (180ვ) - (260ვ) შემავალი სიხშირის დიაპაზონი - (45Hz) - (65Hz) ინვერტორის ეფექტურობა სრულ დატვირთვაზე - 96% გამომავალი ძაბვის პარამეტრები მაქსიმალური გამომავალი სიმძლავრე - 4.5 კილოვატი აკუმულატორების ცხელი შეცვლის შესაძლებლობა (Hot swappable) - კი გამომავალი ძაბვა - 220/230/240 ვოლტი არჩევით ტოპოლოგია - ხაზოვან ინტერაქტიული, ორმაგი გარდაქმნა ძაბვის ტიპი - სუფთა სინუსოიდური გადატვირთვის რეჟიმი - "125% -1 წუთი 150% - 5 წამი" ცივი ჩართვის შესაძლებლობა (Cold Start) - კი მართვა მართვის პანელი - LCD ინტერფეისი, ღილაკებით მონიტორინგის და მართვის შესაძლებლობა - ქსელის კარტის სლოტი, მომავალში ოპციის დამატების შესაძლებლობით ბატარეების პარამეტრები ბატარეების განლაგება - შიდა, უწყვეტი კვების წყაროს კორპუსში ძალოვან მოდულთან ერთად ბატარეების ტიპი - ტყვია-მჟავის, დახურული დამატებითი ბატარეების მოდული -4U (Unit) ავტონომიური მუშაობის დრო 2 კილოვატ დატვირთვაზე 75 ბატარეების დამუხტვის მაქსიმალური დრო - 6 საათისა ბატარეების სამუშაო რესურსი - 4 წლის	ჩინეთი	Riello SDL5000	1	7717,00	7717,00
საერთო ღირებულება: 7717,00 (შვიდი ათას შვიდას ჩვიდმეტი) ლარი						

შპს „თბილისერვის გროუპი“
„შემსყიდველი“
დირექტორი
ლევან ჯღარკავა

„მიმწოდებელი“
შპს „ორიენტ ლოჯიკ“
კომერციული დირექტორი
ალან სანაკოვერი

ხელწერილი
ინტერესთა კონფლიქტის არარსებობის შესახებ

ქ. თბილისი

14 მაისი 2018 წელი

შპს „თბილსერვის ჯგუფის“ შიდა კონტროლის სამსახურის ინსპექტირების ჯგუფის ხელმძღვანელი ვადასტურებს, რომ შპს „თბილსერვის ჯგუფი“-ს მიერ უწყვეტი ელ. მომარაგების წყარო (UPS) სახელმწიფო შესყიდვასთან დაკავშირებით 2018 წლის 14 მაისს შპს „ორიენტ ლოჯიკ“-თან ხელშეკრულების N30-183 გაფორმებით, ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

შპს „თბილსერვის ჯგუფის“ შიდა კონტროლის სამსახურის ინსპექტირების ჯგუფის ხელმძღვანელი:

მთავარი სპეციალისტი

პლატონ ქარდავა

